

海豐吳氏石蓮齋彙刻九金人集

莊靖集

第六冊



莊靖先生遺集卷之五

和籌堂送別韻

山城望斷首重回猶勸春風馬上杯有似
鶴羽毛養就卻歸來

白髮相逢得幾回離亭苦勸送行杯元龍不識求田
意徒使青山笑往來

和河上送行韻

沁南幕客盡詩豪斧月斤雲得句高吏部文章笑東
野若爲自比倚松蒿

有芝蘭元肯伴蓬蒿之句

寄別

莊靖集卷五

二百四十一

馬蹏踏破亂山青送客風回酒半醒歸路莫將雲外
指大都一十五長亭

蟻戰圖

聲勢何勞鬪似牛看看一雨到山頭大家不肯勤王
去只待槐宮壞卽休

膠膠擾擾戰爭多歲月循環得幾何樹下老人觀物
化夢魂應不到南柯

畫鶴

兩翅如輪骨已仙昂昂只合在林泉且休相逐乘軒
去自有人謀二頃田

二頃田應爲鶴謀

木
子
日

集
書
齋
印
書
齋
藏
書
印

海棠露

輕風嫋嫋泛崇光
長恨司花不與香
春睡一聲鶯喚
起卻教老眼見
嘍妝

主不具張氏肯堂 張文定公後

百年蘭玉水邊村
萬軸牙籤席上珍
同隊魚中見頭
角一朝富貴異於人

孟浩然圖

卻因明主放還山
破帽騎驢骨相寒
詩句眼前吟不
盡北風吹雪滿長安

蹇驢卻指舊山歸
可笑先生五字詩
仕爲不求明主

三百二十八

莊靖集卷五

二

棄此行安得怨王維

上陶固嶺

愔愔出郭曉風寒
一片雲收爽氣山
上盡坡陀試回
首人家住在翠微間

野菊

風露叢中取次芳
愁邊過卻幾重陽
秋光到處多無
主不是閑花不肯香

席次

不到西山二十春
風光別後一番新
再三點檢尊前
客白髮相看有幾人

驢爲人盜去

磨嫌居士謀生拙碑恨詩人下道看好在隔花臨水
處爲誰信轡逐金鞍

長街愁殺鄭昌圖便是徒行魯大夫縱復東家借還
許不知泥滑敢騎無杜詩東家蹇驢許我借泥滑不
敢騎朝天

淵明歸來圖

一旦倉惶馬後牛衣冠從此折腰羞先生不是歸來
早東帶人前幾督郵

席上戲李巽之

薰風原上麥連雲簫鼓家家樂社神半醉尊前喧語

二百六十六

莊靖集卷五

三

笑老夫愁獨淚沾巾

和史邦直橋上韻

規模杜預見成功橫截長流跨彩虹亭長莫邀來往
客須防中有奪牛公韓伯休奪牛公

過龍門

流水潺潺漱石根又還懷古過龍門行人但禮龕中
像誰識當年禹作痕

夜夢月下與數仙子酌酒仍各賦詩

天風一掃暮雲開收拾羣仙共酒杯但指今宵是新
月不知曾照古人來

雲漢雙星聚散頻
一年一度事還新
民間送巧渾閑事
不見長生殿裏人

姪謙甫任長安回

歸去連昌憶舊游
長安回望使人愁
只誇楊氏錦繡
谷會上李家花萼樓

枝連葉附本同氣
骨親肉疎今幾家
但留濟叔易一卷
與送蔣兄麻兩車

母師聖醉歸夜溺伊河抱橋柱而死

日日貪杯醉不醒
待將風味學劉伶
可憐王子龕前

三百五十九

莊靖集卷五

四

水夜半寒光落酒星

和張文玘

來詩有匠手今逢老作家之句因用韻

和

景物秋來件件佳
江山都助與詩家
我憐五鬼俱難

送先爲文窮結柳車

白髮詩人喜誕誇
詞源傾倒少陵家
問君讀後書多

少得滿當年惠子車

書生幢下布衣多
盡是嘲風詠月家
若使烏臺不彈

後看看欲載十牛車

山谷文章六經來
汗漫十牛車

數間茆舍老生涯籬落相依四五家不見近來門外
轍故人應駕舸輪車

和籌堂送迎偶得

懷抱秋來強自寬相逢賴有舊青山郊原雨後堪圖
畫句引詩人興不閑

出門天地望中寬馬首濃迎著色山詩句滿前無可
道恨今不復見閑閑

畫手從來說范寬何如著眼看真山天公不欲山無
主分付籌堂好處閑

詩愁誰道酒能寬得句多於飯顛山莫使移文誚長

三百七十三

莊靖集卷五

五

往工夫那取片時閑

和平太行路韻

六丁驅役鬼神奔一夜開山掌樣平多少往來車馬
客尙憂行路澁難行

鑿開險阻若天成暫使時間眼界平卻羨長安西去
路青山不管送人行

千年古道跨山城可笑人心自不平容易莫將天險
壞須防閑客此閑行

自古太行天下險縱令禹鑿不能平尋常著腳無安
處何況羊腸路上行

和君瑞月下聞砧

夜涼枕上夢頻驚有底秋天不肯明老眼近來閑淚少那禁月下擣衣聲

和籌堂述懷

長恨周人詠黍離不期親到閔周時一朝小雅廢將盡何處如今更有詩

白頭相見話存亾可惜漫漫夜轉長煩惱盡無安腳處出門十步九羊腸

訪德老

月下與君瑞邦直從籌堂攜酒訪德老

三百五十一

莊靖集卷五

六

既而有詩見示因用韻和

夜投破戒違公家醉墨成章點不加堪笑穎師無手段聽琴人似聽琵琶

一朝不飲奈愁何月下敲門載酒過佳句曉風楊柳岸醉時吟了醒時哦

老杜醉歸圖

花下騎驢不踏泥花間醉後復何之慇懃驥子扶歸去明日重來別有詩

按王內翰注宗武生日宗武小名驥子曾

有詩驥子好男兒又曰驥子最憐渠

保漢公廟

倉惶劉氏未能安跋扈將軍力拔山若使楚人如郤
子肯教義士不生還

按左傳丑父令齊侯如華泉取飲齊頃公

與晉戰為晉所敗退而奔走丑父為御

晉帥追之將及丑父請君潛服而去自

著君之飾坐於車上而待晉師晉師獲

丑父知非頃公而欲殺之丑父嘆曰自

今以後若有身代君者皆當如我今受

戮晉大夫卻獻子義之歎曰臣不難死

莊靖集卷五

七

而免其君殺之不祥也宜赦其罪以成

其節丑父遂免死而還齊臣逢丑父也

戲呈節使王子告

喚取佳人舞繡筵醉中往往愛逃禪我無紅袖堪娛
夜翠被薰香獨自眠

戲北臺孫講師神遠

何處閑田不可耕山頭烽火水邊營道人高臥雲千

頃留取南臺與鶴鳴

香梅

鄧妓之小字匠手有詩邊仲靈索和因

八

莊靖集卷五

八

元夜與泰禪洛陽觀燈
行歌聲裏落梅風
燦燦華燈萬盞紅
何似吾師方寸地
一輪明月小參中

歷陽侯 范亞父

韓生去世冠軍廢
獨望楚強心亦勞
謾向鴻門撞玉斗
豈知鹿死在金刀

酈食其

多少中原逐鹿人
獨憑片舌下齊城
淮陰不喜書生事
能免他年獵犬烹

四皓奕棋圖

三百五十八

莊靖集卷五

九

坐看咸陽王氣收
豈無人傑自安劉
都緣鴻鵠心猶在
一局閑棋不到頭

鴻鵠高飛一舉千里羽翼已就橫絕四海

魏徵

立朝讜議盡良規
誰使君王死後疑
一旦鑿輿渡渭水
卽時扶起墓前碑

王季文南邁快快不得意書此以緩之

大家都待倚欄干
摘索幽花草棘閒
方便春風無不到
忍教雪裏一枝寒

代別呼延路鈴

森森戈戟亂如麻
剛把毛錐傍史家
彈缺去年門下

客白頭今日又天涯 襄陽守史嵩

梅花堂小酌與河南府馬師共

往來不絕鄭崇門清濁那分北海尊今夜梅花堂上月與人作箇好黃昏

過濟源

幾年不到竹梅閒天際歸來兩鬢斑一片白雲風掃盡雙明喜見舊青山

壬寅九日和君玉來韻

山城與客醉陶然日日相陪費萬錢馬上行人幾時去一杯我欲助離筵

三百五十三

莊靖集卷五

十

書生紙裏亦枵然欲去街頭恰百錢寄語西風莫相笑一杯便是菊花筵

和段正卿韻

出入格

悠然相對酒杯閒忽有新詩落坐閒喚起東籬無限興黃花須待與君看
百計尋閑不得閑功夫那取片時閒誰知九日龍山客卻被秋光冷眼看

秋日有感

節氣先凋一葉桐人閒何處不秋風梁園勝事隨流水滿目愁雲鎖故宮

賈佐之以進士充軍被擿
便從寧越立威名可信王尼長作兵著甚不談軍旅
事碧油幢下盡書生

舍南舍北地多荒三兩

士盡歸箕欲

手未應醫得眼前瘡

尊前共醉潑醅香下馬誰家白面郎見說千金能買
笑老夫那得一錢囊

王德華默軒

三百二十八

莊靖集卷五

十一

春秋豈敢措一字寶主不須談兩都萬事盡皆皮裏
著爲君終日鼓隳胡

對棋

到頭不可託安危那用搜尋局上機縱出吳宮陣圖
外陰山未免嫁明妃

送苗世顯歸上黨

故人千里寄書來長恨天涯喚不回行路難行澁如
棘歸裝莫待北風催

時河北防秋

跋魯直帖

鷄毛不擇三錢筆董尾揮成一幅書莫使觀江神會

得因風奪去錦囊虛

許道真醉吟圖

斷蓬蹤跡寄天涯老去情鍾戀物華回首錦江春寂

寞一杯愁裏賦梨花道真號錦江漁隱

探官

版圖填寫百官志楮券類排千字文堪笑吾儒多伎
倆一時鬻爵僭吾君

跋馮應之許司諫致羊帖

還思寫論付官奴想見臨池興有餘莫把家鷄等閑
厭恐教人笑換羊書

三十三

莊靖集卷五

十一

王庭秀悠然軒

小軒開後快雙明峭拔南山立翠屏好是晚來新雨
過白雲堆裏露尖青

同申元帥遊司馬山

千年古廟映崇岡寂寂空庭草樹荒見說旱時求得
雨一池由有老龍藏

留別

主人把酒再三留送客風高勢未休更聽愁眉歌一
曲尊前腸斷小溫柔

寒食戲書

驀見花閒弄藥回同心髻箱綠雲堆多情更有牆東
月送得秋千影過來

戲楊成之

客路風霜頗倦游出門又是一番愁行人立馬無情
甚扶上征鞍不自由

李晉王墳

雄名凜凜振沙陀爲國功深奈老何多少三垂岡上
恨伶人都進百年歌

游沁園

多少庭臺墮劫灰勝游蹤跡幾殘碑風流人物今誰

三百二十三

莊靖集卷五

七

在水綠山青似舊時

申元帥四隱圖

嚴子陵

羊裘隱迹喚難回曾犯當年帝座來京洛江湖各天
性釣魚臺不羨雲臺

陶淵明

迎門兒女笑牽衣回首人間萬事非自是田園有真
樂督郵那解遣君歸

孟浩然

平生只有在山綠北闕歸來也自賢破帽蹇驢風雪

裏新詩句句總堪傳

李太白今咏餘亦感東菴人不盡言
請在人間凡幾年詩中豪傑酒中仙不因采石江頭
月那得騎鯨去上天

大顛圖二

星斗文章世所傳狂瀾回在禹功前先生不踏潮陽
路震旦花開幾大顛

一夕投荒萬里行增光日月更誰能相逢盡說空門
話多少人間有髮僧

三害圖二

百二十三

莊靖集卷五

古

慷慨平西氣不衰勇於三害欲除時流芳已入忠臣
傳何處人間更有詩

挾矢操弓短後衣揚揚意氣似男兒欲憑一怒除民
害可惜爲人自不知

平水八詠

大顛陶唐春色

府西南三里有陶唐廟每至春月

傾城出游祭享

松柏森森護帝宮至今和氣在河東詩人不盡當時

事八景圖中見國風

谷精向中廣勝晴嵐

古剎無人鳥窺
府北七十里有寺曰廣勝霍山之
陽寺下有海曰大耶

等閑過了萬千峰
偃蹇相看意不濃
洗出青山真面目
祇疑海底有天龍

春風射葉平湖飛絮

府西五里有泊曰平湖姑山之東
汾水之西四面皆楊柳如幄三月
上巳居民祓禊於此

三月湖邊祓禊亭
依依楊柳雨中青
晚來風起花如

言二十八

莊靖集卷五

十五

雪春色都歸水上萍

錦灘落花

府西門外有汾水退灘南北二十
餘里皆樹桃焉

春風桃葉復桃根
相妬封姨似少恩
無限亂紅隨水去
人閒何處覓仙源

汾水孤帆

府西二二三里有渡口

古渡無人鳥跡多
眼前歷歷舊山河
片帆不是秋風
客誰向中流發棹歌

姑山晚照

姑山晚照
府西五十里有姑射山神人居焉
物外神仙自一家等閑不許占煙霞只今冰雪入何
處惆悵山前日易斜
晉橋梅月

府西南二十五里有縣曰襄陵北
暮寒籬落似江村雪裏精神月下魂橋北橋南路分
處行人立馬待黃昏

西藍夜雨

二百一十五

莊靖集卷五

六

府北五十五里洪洞縣之西有寺

曰西藍近汾水一二里遶寺多花

竹有水池池

暮雲深鎖梵王家樓閣崢嶸閱歲華香火半殘僧入
定臥聽窗外落簷花

錦堂四詠

山前春水滿四澤

一番雨過綠生肥正是桃花欲浪時掠地風來吹不
皺細看面面盡玻璃

夏雲多奇峰

初見雲從山裏出，須臾雲結勢如山。一聲霹靂催時雨，雲不能閉山自開。

秋月揚明輝

誰爲天公洗眸子，試將把酒問姮娥。清光一片已如許，斫卻桂時應更多。

冬嶺秀孤松

凜凜蒼髯晚節孤，雪中傾蓋若旁無。一經元亮盤桓後，氣壓秦時五大夫。

沁園十二詠

熙熙堂

莊靖集卷五

七

眼前草木強爭春，往日繁華一聚塵。山水中間賞心在，不知誰是肯堂人。

翠蘭亭

蓬艾叢深特地藏，游蜂何處覓幽芳。楚人大段無分別，不識離騷傳裏香。

暗香亭

三兩橫斜鶴膝枝，一朝須有返魂時。試看今後黃昏月，得似西湖七字詩。

七賢臺

放跡山陽志尙同，至今林下仰高風。欲將人物圖中

看恐遇生前李衛公 李衛公焚七賢圖

漱玉池

古人觀水必觀瀾一滴涓流一滴寒放取黃陂千萬
頃莫教龍口吐吞難

江源亭 有流杯

羽觴到處不容停爭看中流落酒星彼此一時修禊
事未應人物愧蘭亭

屏俗庵 子猷別墅

世上無人可立談眼前只有此君堪當年借得誰家

宅疑是今來屏俗庵

三百五

莊靖集卷五

六

清暉亭

高山森似劍鉞立流水平如羅帶舒人在水光山色
裏笑渠潘閔倒騎驢

富覽亭

天於萬物豈私我領略風光天不噴自古山陽景佳
處盡都分付與閑人

桃園

一時得意笑春風不見春風滿樹空老去惜花心尚
在爲君留眼看蒸紅

意在亭

綠水古今流不盡好山前後勢相連適來荷蕢者誰
子應笑有心哉此賢

涌珠泉

淵底睡龍徒有領沙中老蚌恐無胎疾雷驚裂蒼苔
地迸出鮫人淚顆來

碧落四景

橫峰臥雲

蟄龍起後願相從便有人間潤物功一片青山是歸
處無心更逐渡溪風白雲無心逐風渡溪耳

陰壑積雪

三百十六

莊靖集卷五

十九

漠漠山陰雪擁門何時天道變寒暄雖然不是同光
地銷得陽和幾許恩

寒泉漱玉

瀝瀝山泉枕畔鳴六根先得一根清從來只向琴中
聽不識徽絃意外聲

枯松挂月

門前老樹數難推獨有栽松道者知夜半風催山月
上政當鶴睡覺來時

周昉內人圖

吹笙

舊曲聞來似歛眉料應只恨賞音遲梨園傳得新翻
譜著意參差竹裏吹

汲泉

非關古井不波瀾祇恨銀瓶一掬慳欲助長流御溝
水再教紅葉到人閒

倦繡

心情猶在未收時卻願花閒影漸移不道春來添幾
線日長只與睡相宜

擣衣

一夕秋風鴈過聲鐵衣辛苦向邊城將軍不用和

二首十六 莊靖集卷五

計雙杵休辭月下鳴

剪爪

袖裏纖纖只合存如何春筍不嫌髡金釵墜後無因
見藏得開元一捻痕

彈琴

休言三尺是枯桐大抵聲音與政通曾得王君意中
事便從絃上和薰風

學書

數幅雲牋自卷舒試教落筆看何如休將彤管題閑
句正要班姬續漢書

按樂

倚風無力見溫柔
初下喧天羯鼓樓
猶向花陰理新
曲君王不惜錦纏頭

覽鏡

不教朱粉汙天真
長對菱花顧影頻
但把蛾眉掃來
淡尙嫌不似號夫人

莊靖先生遺集卷之五終

莊靖集卷五

三

大尚繼不地婦夫人

焚米婦君天其長樓委芬願過時其昨融會試來

昔王不許識離題

無式景臨至時不創天群楚對離向芬烈既

對樂

莊靖先生遺集卷之六

木之襄陽詠史

襄陽

峴山

峴山

萬山

江漢

古隄

年平地溢四丈五尺魏太守胡烈

莊靖集卷六

補缺隄以利民至唐盧鈞為山南

節度因烈之舊而增培之俗謂附

城北者為金鎖隄南曰白銅隄

一決江源水自東長隄隱隱臥如虹不因傳得襄陽

操人世何由見禹功

注張參議詩未雨還須徹桑土白沙湖上水湯湯

元祐二年邢恕守襄詔以漢有決溢之患其畫經

制久遠之策公來訪被水之地得之東南隅當漢

水之衝土雜白沙水至輒陷民號白沙湖隄之內

其勢平一決則兩城相望三十里瀦為汗澤近郊

之民趨西山甚至登木杪

白沙湖

聞道沙隄水陷時茫茫無處覓完隄當時禹跡依然在以壑為隣笑白圭

述邏墾田

羊公鎮襄陽吳人罷守石城戍邏減半分以墾田八百餘頃公之始至無百日之糧及季年有十年之積

屯徹南陽井井田劔牛刀犢兩功全石城驚落吳兒

三百〇九

莊靖集卷六

二

膽野宿貔貅萬竈煙

樊城

在襄陽北漢江之滄張參議昔年山甫興周地想見曹仁霸魏功昔仲山甫封於樊城曹公使曹仁守樊關羽攻之不能破

暫來朱序秦還守初入曹仁漢復攻顛倒江山今幾主樊侯依舊襲周封

漢高廟

在襄陽縣西南鍾山

垓下未聞歌散楚澤中已見哭
秦乾坤到底歸真主
愁殺鴻門碎斗人

舍鈴人對光武廟

一開茅屋亂塵埃
在襄陽東四十五里光武南陽棗
陽人今棗陽縣是也春陵在棗陽
東望氣者蘇伯阿至南陽遙見春
陵曰氣佳哉鬱鬱蔥蔥光武始起
兵還春陵望舍南火光燭天今棗
縣在襄陽東界六十里

海內英雄待一呼雲龍際會入東都
羯奴不識真人

三百七十一

莊靖集卷六

三

事微倖中原欲並驅

楚昭王廟

在宜城東北唐韓愈作宜城記言
之甚詳愈又有昭王廟詩丘墳滿
目衣冠盡城闕連雲草樹荒猶有
國人懷舊德一開茅屋祀昭王
一開茅屋暗塵埃香火淒涼幾奠杯
故國到今如傳舍後人復使後人哀

王慈孫對門宋玉宅

在宜城縣

離騷經裏見文章水綠山青是楚鄉往事一場巫峽
夢秋風搖落在東牆

保漢公廟

在襄陽子城南世傳紀信忠義祠
今爲州之城隍

將將提兵氣自揚一朝翻爲沐猴忙得從虎口抽身
去不必雷霆怒假王

鄧城

蕭何初封在谷城縣西漢功臣表

高祖六年十二月甲申封曹參以

三百三十三

莊靖集卷六

四

正月甲午封張良最後封蕭何

誰是興劉第一功我侯只合最先封當時獵犬猶爭
甚得鹿權都在指蹤

三顧門

世傳襄陽水西門爲三顧門先主

自此三往見武侯張參議水西門

外公來處

將軍命駕出門西想見門從向日題山下卧龍誰說
破賞音元直在檀溪

注徐庶宅在檀溪之陽檀溪在襄陽西四里

隆中

諸葛亮宅在襄陽縣西二十里

一朝師出震關東料敵曹吳幾日功未畢將軍天下

計乾坤容易老英雄

關將軍廟

在襄陽南九里鳳林關

鼎足相吞勢未分誰能傾蓋得將軍曹吳不是中原
手天下英雄有使君

鹿門山

有龐德公宅在襄陽東南三十二

莊靖集卷六

五

里杜贈別鄭鍊赴襄陽為於耆舊

內試覓姓龐人

百年巢穴子孫安十日長聞九日閑說破姓名人不

識鹿門山是德公山

注杜詩昔者龐德公未曾入州府襄陽者舊間處

士節獨苦

龐士元宅

在襄陽

鷹自養來飢肯去龍從卧後顧須頻到頭驥足非難

展祇在當時駕馭人

徐庶宅

在檀溪之陽習鑿齒與謝安書云
游目檀溪念崔徐之交

誰知方寸去留初盡把功名付葛廬舉目檀溪人不
見空傳谷隱念交書

注先主率其衆南行諸葛亮徐庶並從曹公追獲
庶母庶辭先主曰方寸亂矣請從此別

劉表祠

祠前有墓在府城東門內

天運端能臥可收江山形勢數荆州當時若聽韓嵩

三百七十

莊靖集卷六

六

策那得曹瞞享土牛

注曹操與袁紹相持於官渡韓嵩說表起乘其弊
不然則以州附曹公今曹公先舉袁紹然後稱兵
以向江漢將軍必不能禦表不從操征表病死
表之子琮竟以荆州降

谷隱山

袞芥留心漢晉閒豈期谷隱避名難一人有半隨秦
去不得相離釋道安

注是時桓温覬覦非望習鑿齒著漢晉春秋以裁
正之後以腳疾廢於里巷襄陽陷於苻堅堅素聞

其名與道安堅俱輿而致焉與諸鎮書昔晉平吳
得二陸今獲士才一人有半耳俄以疾歸襄陽

龐公祠

唐龐蘊也祠在鹿門山本自衡山
得馬大師法來隱張參議家池龍
種去無蹤珍重龐公似德公龐德
公宅在鹿門山

踏破衡山急急回鳳林盡是漉籬材大家了得無生
著傾出團圓話裏來

注張參議擺盡世緣空所有誰知佛法異還同凡

三百四十五

莊靖集卷六

七

霞不用傳心印靈照端能繼父風

鳳林

孟浩然故居在襄陽縣南十里

天寶詩人去卻回果曾北闕上書來若爲耆舊無新
語明主何嘗棄不才

注張參議有朝宗強欲相牽率豈識先主玩世心

斬蛟渚

晉鄧遐爲太守襄陽城北沔水中

有蛟常爲人害遐拔劍入水斬之

而去

久憤江干投水俗近憂泉室泣珠人到頭不是池中
物血濺驚波劍有神

夫人城

在今襄陽西北一里符丕之攻朱
序也其母韓深識兵勢自登城履
行謂西北角當先受弊遂領百餘
婢並城中女丁於其角斜築城二
十餘丈寇力攻西北角果挫衄而
退襄陽號曰夫人城

見說韓門素識兵故知西北勢先傾未應有子如豚

言罕六

莊靖集卷六

八

犬何在夫人自築城

注張參議五申下令吳姬肅三遂無譁魯築城

誠虎碑

宋傅僎字子成爲襄陽令有善政
縣多虎僎常追虎入城誠勵虎去
不復爲害邑人爲立碑

未除不必煩周處欲刺何須待卞莊入市如羊聽命
去至今無害到襄陽

注張參議應無白額煩周處解使於菟字子文

杜甫故里

杜易簡預之遠裔有從弟曰審言
生子閑閑生甫世居襄陽甫徙家
鞏縣

不知故隱幾時離天寶年間處處詩過客不須尋世
譜萬山山下看沈碑

按杜詩吾家碑不昧王氏井依然注杜預沈碑峴
山之下

尹氏一門四闕

在襄陽縣東南三里唐尹怱有父
曰嗣宗居器逾禮貞觀中旌表怱

三百四十一

莊靖集卷六

九

年十三竭力就養父卒負土成墳

紫芝產墓側天子下詔稱揚龍朔

中刺史改其閭曰南陔里子慕先

孫仁恕皆著孝行萬歲通天中繼

被寵褒一門四闕張柬之張九齡

爲之記贊歐陽文忠公集古錄言

之甚詳

萱堂猶是念憂地烏屋相傳反哺恩一段家風誰出

自千年鼻祖守關門

注東坡尹可元詩千年鼻祖守關門

武安君廟

祠白起在南漳縣

歸去咸陽是老頭如何此地肯重游分明祀典無交
涉只合英靈在杜郵

修禊亭

在峴山半王子年拾遺記云江漢
之人思周昭王至春上巳祓禊集
王祠下如屈原故事

相喚相呼上巳游國人無日不思周近來烽火遭三
月那得閑杯逐水流

首五十六

莊靖集卷六

十

漢陰臺

在宜城西二十步莊子子貢過漢陰見一
丈人方將爲圃鑿隧而入井抱甕而出灌
用力甚多而見功寡子貢曰有械於此夫

子不欲乎鑿木爲機後重前輕挈水若抽

其名爲楲爲圃者笑曰有機械者必有機

事有機事者必有機心機心存於胸中則

純白不備神生不定吾非不知羞而不爲也

怪來賜也多言甚笑倒忘機老漢陰巧拙大都歸一
溉寧教勞力莫勞心

善謔驛

在宜城縣驛前有亭于髡墓

皆因孟酒與豚蹄致使他鄉笑滑稽無限驛亭來往
客獨言齊贅不歸齊

滄浪歌

屈原既放游于江潭漁父見之鼓
枻而歌曰滄浪之水清兮可以濯

我纓

江上揚揚一棹波衆中清濁笑懷沙不知歌後滄浪

曲卻入騷人屈宋衙

莊靖集卷六

七

競渡

屈原以五月五日起汨羅土人追
至洞庭湖欠舟水莫得濟者乃歌
曰何由得渡湖自此習以相傳爲
之戲

憔悴沉湘楚大夫魂招魚腹肯來無至今江上漁歌
在尙問何由得渡湖

抱玉巖

在南漳縣卞和得玉於此以進楚
王王以爲詐刖其足乃抱璞泣於

特特來從抵鵲山一心都在獻芹閒非關楚國真難
辨舉世人皆厭等閑

習家池

卽高陽池也在峴山南百步水經
云沔水東入襄陽習郁池內郁依
范蠡養魚法作大陂列植竹木游
燕之名處也

日日山公載酒過醒時常少醉時多兒童拍手闌街
笑驚破滄浪一曲歌

三百五十四

莊靖集卷六

十一

的顛溪

本名檀溪在襄陽西四里劉表因
會取劉備備潛遁所乘馬名的顛
走墮檀溪中備急曰的顛可努力
的顛一踊三丈渡中流而追者至

得雨蛟龍未易圖枉勞木禺用機謀死生畢竟誰堪
託今日纔方見的顛

按東漢劉表本傳云表欲臥收天運其猶木禺之
於人也注云如刻木爲人無所知也前書有木禺
龍音義云禺寄也寄形於木元具反張參議云垓

下衆傾靡不逝合肥橋徹騎能飛孫權征合肥爲
張遼所襲權乘駿馬上津橋橋已徹板着鞭超渡
至今合肥名曰飛騎橋

作樂山

酈道元注云昔諸葛亮好爲梁父
吟每所登游俗以作樂山名之今
在襄陽西北二十里

悠悠曾不倦登臨眼底何人爲賞音白雪一歌猶掩
耳安知梁父是龍吟

冠蓋里

莊靖集卷六

三

漢靈帝時宜城太山廟有四郡守
七都尉二卿五侍中一黃門侍郎
三尚書六刺史朱軒高蓋同日會
於山下荊州刺史劉表行部見之
甚歡歎其豪盛乃題道口亭爲冠
蓋里刻石銘之

道口亭前多貴游一時來往亦風流若能共畫安劉
計豈獨英雄記裏收

呼鷹臺

在襄陽縣東七里高三丈表性好

鷹常登此臺歌野鷹來曲臺之側
有司馬徽雁統二宅

英豪並起望人才底事將軍設築臺
倘使曹公肉能飽如何喚得野鷹來

注曹公曰養士如養鷹飢則爲人用飽則揚去

仲宣井

在萬山王仲宣故宅郭帥杲移井
欄於戎司其後破碎埋沒李帥奕
收拾補葺置之便坐側稽考古今

歲月爲之記

莊靖集卷六

十四

三百五十四
試看汲古幾何深猶有餘波慰渴心
誰把石欄移便坐並鄰又得一繁欽

按耆舊傳王粲與繁欽並鄰同井杜甫詩云應共
王粲宅留井岷山前張云繁欽有識還歆羨

茲樓

王粲樓按襄陽雜詠題曰茲樓蓋
取粲登樓賦所謂登茲樓以四望
兮襄陽志亦因之而樓不存

見說襄陽有古風可憐耆舊老無功
當年漢主龍興地盡在登樓四望中

墮淚碑

蘇陸今人與樹王在南峴山上

憤深藉館年年祭痛切夷陵歲歲祠不見征南遺愛地至今淚墮峴山碑

注伍員破楚鞭尸藉館郢中立廟今自湖北至淮

西故楚之地處處有祠白起伐楚燒先王墓夷陵

宜城有白起堰灌城中死者流東陂臭聞遠近號

曰臭陂

沈碑

在萬山下杜元凱刻石爲二碑紀

百十六

莊靖集卷六

五

其勲績一沈萬山之下一立峴山

之上

中原人物老書生塞破乾坤萬古名俗子不知碑尙

在二朝南渡愧荒槍

西姑蘇之晉柏

在南峴山上卽晉人所植下有小

石題刻柯榦如鐵

亭亭霜幹上參天召黛皮蒼老更堅當日不知誰手

植到今人與樹千年

文選樓

在子城南門按祥符圖經云梁昭
明太子於此樓撰文選聚才人賢
士劉孝威等一十餘人資給豐厚
日設珍饌諸才子號曰高齊學士
又云世傳文選成樓下所棄書與
樓齊

朝朝暮暮蠹書魚選盡人閒得意書常恐不能精此
理祗緣老杜近樓居

注杜詩熟精文選理又眼前文字積如山想見中
閒筆削難一白登樓開卷後滿天依舊斗星寒

二百五十一

莊靖集卷六

六

解佩渚

在襄陽西十里北臨沔水有曲隄
按郢國志鄭交甫至漢皋臺下遇
二女佩二大珠交甫求之二女解
佩行數里二女及珠俱失

相遇江皋事頗奇一雙佩解去還遺未能南國無游
女詠取周人漢廣詩

弄珠灘

楚俗以嬉游爲事襄沔記歲以正
月二十一日二十一日謂之天地

東風二月催劉濤 穿日移市於城北津弄珠灘按南
都賦云游女弄珠於漢泉之曲

江沙一日蚌胎虛游女爭誇掌上珠美化不將風俗
禁他年恐作嬾川都

注襄陽志云楚女於弄珠灘尋水竅石穿簪於釵
上帶歸又云楚俗三月游南山諸寺移市於山壽
寺四月八日罷游謂之辭山

金沙泉

在宜城縣東一里造酒絕美世謂
宜城春又云竹葉杯

二百四十一

莊靖集卷六

七

何處山泉味最佳從來獨說有金沙楚人遍地宜城
酒莫著淄澠誑易牙

涌月亭

寺四月八日罷在南岷山
徘徊亭上晚相宜月與高人本有期不比尋常三五
夜十分圓後是來時

七言絕句集古

南游

一片歸心白羽輕 高蟾
一場春夢不分明 張翥
東風二月淮陰郡 劉商
總是關山離別情 王昌齡

自遣

南路蹉跎客未回

樊晃

山桃野杏兩三栽

雍陶

逢春漸覺飄蓬苦

才調集

更向花前把一杯

嚴憚

雨後出郊

柳塘煙起日西斜

絕浴

馬踏春泥半是花

竇鞏

何處最傷游客思

武元衡

綠陰相間兩三家

司空圖

寒食

閑身行止屬年華

薛能

故國春歸未有涯

司空圖

一樹梨花一溪月

才調集

不知牆外是誰家

郎士元

寒食席次

二百七十一 莊靖集卷六

六

鞦韆打困解羅裙

韓偓

把酒相看日又曛

韋莊

處士不知巫峽夢

蓮花妓

春來猶見伴行雲

韋氏子

郭外

寒食悲看郭外春

雲表

數聲鴉噪日將曛

潘閔

山中舊宅無人住

戴叔倫

一樹繁花傍古墳

盧綸

小桃

桃花依舊笑春風

崔護

悵望無人此醉同

趙嘏

應是夢中飛作蝶

呂溫

樹頭樹底覓殘紅

王建

看花

兩岸山花似雪開

劉禹錫

開時莫放豔陽回

李商隱

明朝攜酒猶堪賞

李涉

雨漲春流隔往來

劉商

感花

無人不道看花回

劉禹錫

猶憶紅螺一兩杯

陸龜蒙

曾是管絃同醉伴

趙嘏

來時歡笑去時哀

韋冰

惜花

花樹流鶯日過遲

武元衡

少年爭惜最紅枝

崔塗

何人盡得天生態

薛能

爲報東風且莫吹

李涉

又

繡鞦香羈夜不歸

崔塗

看花只恐看來遲

韓偓

今朝幾許風吹落

楊巨源

多在青苔少在枝

崔櫓

三百六十一
莊靖集卷六

暮春

十九

一年春色負歸期

韓偓

綠葉成陰子滿枝

杜牧

公子王孫莫來好

韓琮

如今不似洛陽時

崔櫓

送春

可憐寥落送春心

高駢

負郭依山一徑深

李涉

燕子不歸花著雨

韓偓

小溪猶憶去年尋

山谷

又

二月已破三月來

杜子美

常嗟物候暗相催

樊晃

幾時心緒渾無事

李商隱

終日傳杯不放杯

山谷

遣興

讀徹閑書弄水回

趙嘏

綠楊移傍小庭栽

成文幹

閉門盡日無人到

韋莊

便有春光四面來

邵謁

下樓

繡簾珠戶未曾開

東坡

卻向春風領恨回

李山甫

行到中庭數花朵

劉禹錫

遙聞語笑自空來

李端

招飲

當時朝士已無多

劉禹錫

故里心期柰別何

羊士諤

不用凭欄苦回首

杜牧

且來花裏聽笙歌

東坡

春感

歲歲無如老去何

劉長卿

東城南陌強經過

謝皎然

三百八十九

莊靖集卷六

三

不知誰唱歸春曲

曹唐

斷得人腸不在多

王建

春怨

已恨東風不展眉

段成式

落花惆悵滿塵衣

趙渭南

與君試向江邊覓

東坡

贏得悽涼索漠歸

吳融

約同歸

故國煙花想已殘

盧弼

浮生各自繫悲歡

司空圖

青山一道同雲雨

王昌齡

步步相攜不覺難

劉禹錫

江村

夜添山雨作江聲

羊士諤

綠暗紅藏江上村

韋莊

何處人間似仙境

劉禹錫

寥寥一犬吠桃源

劉長卿

千里送客之江陵

獨上江樓思渺然

西南一望和雲水

蕭蕭落葉送殘秋

滿目暮雲風捲盡

洞庭風軟荻花秋

南去北來人自老

誰家紅袖倚江樓

今夜不知何處泊

八月霜飛柳遍黃

十年馬足知多少

洛陽猶自有殘春

山酒一卮歌一曲

洛中感舊

千里江山一夢回

盧中

盧中

盧中

盧中

盧中

盧中

趙渭南

竇鞏

權德輿

陸龜蒙

鄭德璘

杜牧

杜牧

權德輿

盧弼

雍陶

劉禹錫

許渾

盧中

盧中

盧中

盧中

盧中

盧中

盧中

盧中

故人去後絕朱絃

入郭登橋出郭船

樓上黃昏欲望休

亭亭孤月照行舟

客散江亭雨未休

此中離恨兩難收

白裕行人又遠游

青山萬里一孤舟

鳥鳴山館客思鄉

地角天涯不是長

水北原南草色新

不能回避看花塵

趙渭南

張籍

趙渭南

張籍

趙渭南

張籍

趙渭南

張籍

二百七十四

莊靖集卷六

三

又

岑參

魏野

陸龜蒙

劉長卿

薛逢

張建封妾

張籍

趙渭南

雍陶

年光到處皆堪賞今狐楚誰與愁眉唱一杯山谷

席上

春風寂寞旆旌同武元衡兩度天涯地角來雍陶

重到笙歌分散地杜牧與人頭上拂塵埃李山甫

憶昔

憶昔爭游曲水濱王駕當軒下馬入錦茵杜子美

如今不似時平日王建風起楊花愁殺人李益

送客之荆南

千山紅樹萬山雲韋莊山鳥江楓得雨新雍陶

我自飄零是羈旅東坡不堪仍送故鄉人顧非熊

三百六十七
莊靖集卷六
三

南征

兩行旌旆接揚州李涉烽火城西百尺樓王昌齡

九姓如今盡臣妾趙嘏青天猶列舊旄頭汪遵

老將

蓬根吹斷鴈南翔盧弼曉鼓鐘中兩鬢霜趙嘏

獨倚關亭還把酒杜牧不堪秋氣入金瘡盧綸

又

憐君一見一悲歌劉長卿破虜曾輕馬伏波趙嘏

今日寶刀無殺氣朱泚和太平功業在山河吳融

又

門前不改舊山河趙渭南淚落燈前一曲歌李羣玉

更把玉鞭雲外指韋莊只緣君處受恩多朱冲和

感征夫家

臂上彫弓百戰勳王維居延城外又移軍令狐楚

不知萬里沙場苦高駢猶自笙歌徹曉聞王建

從軍

萬里還鄉未到鄉盧綸受降城外月如霜李益

誰家營裏吹羌笛蓋嘉運不是愁人也斷腸戴叔倫

聞角

鐵馬狐裘出漢營常建瘴雲深處守孤城劉禹錫

二百九莊靖集卷六

無端遇著場心事吳融鳴軋江樓角一聲杜牧

聞笛

山頭烽火水邊營來鵠祇有牛羊與馬羣蓋嘉運

羌笛何須怨楊柳王之渙忍教嗚咽夜長聞趙嘏

漢女

大邊物色更無春蓋嘉運碧玉芳年事冠軍楊巨源

人世死前惟有別李商隱陽臺去作不歸雲趙渭南

有別

長對春風裛淚痕才調集殷紅馬上石榴裙張謂

無端更唱關山曲王表哀怨教人不忍聞蓋嘉運

怨別

書來未報幾時還

實鞏

終日昏昏醉夢間

李涉

別易會難長自歎

韓偓

不堪重過望夫山

真氏

寄遠

桃李年年上國新

李益

單于鼓角隔山聞

馬逢

一行書信千行淚

王駕

不是思君是恨君

武元衡

恨別

悽悽長是別離情

韋莊

冰簟銀牀夢不成

溫庭筠

昨夜秋風今夜雨

盧綸

篝燈愁泣到天明

韓偓

又

莊靖集卷六

三

君問歸期未有期

李益

邇來中酒起常遲

韋莊

山長水遠無消息

指點庭花又過時

韓偓

感舊

流鶯驚起不成棲

陸龜蒙

入到繁華夢覺時

崔塗

人面只今何處在

崔護

魏公懷舊嫁文姬

舒元

又

碧欄干外繡簾垂

韓偓

曾識雲仙至小時

李涉

見我佯羞頰點影

李商隱

滿頭猶自插花枝

劉德

又

九陌初晴處處春

趙渭南

日高深院斷無人

李商隱

尊前花下長相見 劉夢得 宋玉東家是舊鄰

碩

代送別

隴上流泉隴下分 崔涯

目隨征鴈過寒雲 李涉

人生適意無南北 王介甫 莫向陽臺夢使君

戎昱

悼征婦

萬里行人尙未還 儲嗣宗

百年多在別離間 盧綸

當時驚覺高唐夢 李涉

爲雨爲雲過別山 李弄玉

春夜

春風二月落花時 武元衡 憶得前年君寄詩 崔道

共道人家惆悵事 牛僧孺 向燈鸞盡一雙眉 韓偓

三百七十二 莊靖集卷六

三五

睡起

萬轉千回懶下牀 崔氏 不辭鴉鳩妬年芳 李商隱

酷憐一覺平明睡 羅隱 枕破施朱隔宿妝 薛能

無睡

江南江北望煙波 劉禹錫 顰黛低紅別怨多 李羣玉

盡日傷心人不見 許渾 臥來無睡欲如何 李商隱

謾書

已共紅塵跡漸疎 李九齡 畫簷愁見燕歸初 徐凝

無端有寄閑消息 杜牧之 腸斷蕭娘一紙書 崔氏

寄情

年光空感疾如流

吳商誥

同向春風各自愁

李商隱

有境牽懷人不曾

齊己

落花深處指青樓

權德輿

又

曾留宋玉舊衣裳

李羣玉

雲雨巫山枉斷腸

李太白

不爲傍人羞不起

西廂崔

夜來新惹桂枝香

裴思謙

又

寂寥滿地落花紅

京兆女子

獨倚欄干花露中

趙嘏

征客未來音信斷

張法

年年回首泣春風

王條

秋夜

擲卻風光憶少年

顧况

多生信有短因緣

鮑生妻

三百八十六

莊靖集卷六

美

欲知此恨無窮處

羅虬

星落銀河月半天

趙象

有感

風輕簾幙燕爭飛

才調集

到處煙花恨別離

韋莊

倚柱尋思倍惆悵

張泌

映人勻卻淚胭脂

韓偓

戲荅

公子王孫逐後塵

崔郊

近來方解惜青春

鄭谷

春心不愜空歸去

滕傳嗣

長伴吹簫別有人

劉禹錫

戲遣

雨散雲收一餉閒

真氏

不知何處入空山

盧綸

慇懃好取襄王意

戎昱

下蔡城危莫破顏

李商隱

又

枉破陽城十萬家

李商隱

門前初下七香車

王維

自緣今日人心別

鄭都官

隔坐剛拋荳蔻花

軍倅

偶見

莫愁還自有愁時

李商隱

眉斂春山知爲誰

東坡

含淚向人羞不語

崔涯

芙蓉頭上綰青絲

李涉

又

滿身花影倩人扶

陸龜蒙

清潤潘郎玉不如

楊巨源

畢竟多情何處好

韋莊

庾樓明月墮雲初

趙渭南

又

三百六十七

莊靖集卷六

三七

雲髻朝來不欲梳

徐凝

娉娉嫋嫋十三餘

杜牧之

分明記得曾行處

方干

看遍花枝盡不如

趙嘏

聽歌

清歌空得隔花聞

楊巨源

寂寞堂前日又曛

趙嘏

共待夜深聽一曲

戴叔倫

女兒絃管弄參軍

薛能

寄懷

愁雲漠漠草離離

竇庠

去國還家一望時

韓琮

幾度相思不相見

武元衡

雪中梅下與誰期

李商隱

秋怨

且將團扇暫徘徊

王昌齡

淚滴閑階長綠苔

鄭谷

春色似憐歌舞地

姚合

不論時節遣花開

東坡

悲故宮人

雲慘煙愁苑路斜

孟遲

宮鶯銜出上陽花

雍陶

朱鉛滴盡無心語

張祐

生死深恩不到家

竇鞏

懷古

暮雲宮闕古今情

韓琬

芳草長含玉輦塵

韓偓

春意自知無主惜

崔櫓

落花猶似墮樓人

杜牧

舊游

山南山北雨濛濛

韋莊

十載長安似夢中

李涉

今日獨來張樂地

劉禹錫

故人墳樹五秋風

杜牧

三百七十七

莊靖集卷六

天

關中

岳北秋空渭北川

司空圖

一村桑柘一村煙

韓偓

行人莫訝頻回首

貫休

記得春深欲種田

薛能

過梅溪舊居

遠到音書轉寂寥

徐凝

青山隱隱水迢迢

杜牧之

村園門巷多相似

雍陶

花落梅溪雪未消

靈澈

登山陽郡樓

將軍一去泣空營

乾符童謠

槐柳蕭疎遠郡城

羊士諤

試上高樓望春色

李涉

落花流水嘆浮生

溫庭筠

王公樓上會飲

詩酒能消一半春

趙嘏

紫微才調復知兵

崔道融

黃河九曲今歸漢

薛逢

獨上高樓故國情

羊士諤

送客之南宮

蕭蕭風竹夜窗寒

武元衡

書劍催人不可閑

杜巖

對酒已成千里客

盧綸

斷腸聲裏唱陽關

李商隱

荅壽堂

一夕秋風白髮生

才調集

相思迢遞隔重城

李商隱

前歡往恨分明在

韓偓

贏得青樓薄倖名

杜牧

夜集

金鳳羅衣溼麝薰

韋莊

裝成掩泣欲行雲

戎昱

言九二

莊靖集卷六

三五

傍人未必知心事

劉阜

一曲狂歌酒百分

高駢

戲書

春風何處有佳期

武元衡

花滿西園月滿池

高駢

料得也應憐宋玉

李商隱

東鄰牆短不曾窺

段成式

重九

事去人亡跡自留

劉長卿

白雲猶似漢時秋

岑參

如今暫寄尊前笑

劉禹錫

明日黃花蝶也愁

東坡

十日遣興

露葉如嗁欲恨誰

劉禹錫

曉庭空遠折殘枝

鄭谷

芳尊有酒無人共

趙嘏

臥看南山改舊詩

韋莊

古城

東風漸急夕陽斜

朱鶴

馬上懷中盡落花

薛能

腸斷入城芳草路

韋莊

孤煙起處是人家

東坡

送行

天涯方歎異鄉身

韋莊

雲別青山馬踏塵

趙渭南

欲問孤鴻向何處

李商隱

依依還似北歸人

東坡

宮柳

寒食東風御柳斜

韓偓

輕盈嫋娜占年華

劉禹錫

試看三月春殘後

李山甫

不見人煙空見花

韓偓

對花

莊靖集卷六

三百六十九

三

盡是劉郎去後栽

劉禹錫

為誰零落為誰開

嚴憚

風流才子多春思

戴叔倫

半醉閑吟獨自來

高駢

宿橫望

遠上寒山石徑斜

杜牧之

月臨荒戍起嘯鴉

高蟾

故鄉今夜思千里

高適

每到花時不在家

張祜

妓為尼

無地無媒只一身

趙渭南

蛾眉畫出月爭新

高駢

春來削髮芙蓉寺

楊巨源

從此蕭郎是路人

崔郊

新居

每憶雲山養短才

雍陶

蓬門今始為君開

杜子美

落花寂寂黃昏雨

韋莊

依舊去年雙燕來

趙渭南

寒食野外

浮雲飛盡日西頽

韋檢

莫向花前泣酒杯

趙嘏

獨上郊原人不見

成文幹

野風吹起紙錢灰

吳融

贈別

綠柳纔黃半未勻

楊巨源

灞橋攀折一何頻

皇甫冉

相逢且莫推辭酒

白樂天

明日忽爲千里人

劉禹錫

柳

還到春時別恨生

張泌

渭城朝雨裊輕塵

王維

自家飛絮猶無定

羅隱

不解迎人只送人

皇甫冉

三百七十一

莊靖集卷六

三

惜春

自有林亭不得閑

溫庭筠

長安豪貴惜春殘

東坡

晚來風起花如雪

劉禹錫

爲問無情歲月看

高蟾

春望

半似羞人半忍寒

韓偓

風和時拂玉欄干

段成式

門前不見歸軒跡

錢起

強把花枝冷笑看

張祜

寒食夜雨

風景依稀似去年

趙渭南

烏嚙花發柳含煙

顧況

夜深斜搭鞦韆索

韓偓

獨向簷牀看雨眠

雍陶

早行

一聲歌盡各東西 趙渭南 花外煙濛月漸低 陸龜蒙

馬上政吟歸去好 韋莊 山山樹裏鷓鴣鳴 張籍

過友人別墅

少游京洛共紅塵 李益 依舊瓊林照映人 山谷

且向白雲求一醉 戴叔倫 麻衣草坐亦終身 靈澈

不遇

來往風塵共白頭 戴叔倫 誰人肯向死前休 韓退之

直教桂子落墳上 賈島 富貴何嘗潤髑髏 山谷

又

豈有文章動聖君 丁謂 欲將書劔學從軍 温庭筠

晉九 莊靖集卷六

三

平生名利關身者 翁綬 執戟官資笑子雲 孫僅

隱居

此去秦關路幾多 李商隱 中原無鹿海無波 吳融

荷蓑不是人間事 李涉 造物小兒如子何 東坡

訪隱者不遇

忽聞春盡強登山 李涉 卻笑孤雲未是閑 施肩吾

惆悵仙翁何處去 高駘 尋真不見又空還 韋應物

懷韓居士

烏巾年少歸何處 姚合 陵谷依然世自移 李涉

上天下地鶴一隻 高駘 還在人間人不知 東坡

古道人

鶴骨飄飄紫府仙 東坡 香風引到大羅天 牛僧孺
無人寂寂春山路 李羣玉 洞在清溪何處邊 張顛

遊仙

霧爲襟袖玉爲冠 韓偓 委佩低簪彩仗閒 劉禹錫
上界真人足官府 韓退之 不如歸去舊青山 東坡

李道者

麻衣年少雪爲顏 施肩吾 聞說經旬不啟關 韓偓
弄玉已歸蕭史去 趙嘏 洞門深鎖碧窗寒 高駘

仙廟

三百七十一 莊靖集卷六 三
桂冷松香十里間 康求 水晶如意玉連環 李商隱
年年笑伴皆歸去 盧綸 門對寒流雪滿山 韋應物

又

殿臺渾不似人寰 唐永 花態嬌羞月思閑 李涉
高坐寂寥塵漠漠 劉禹錫 秋風落葉滿空山 謝皎然

女仙臺

上清真子玉童顏 李涉 石座苔花自古班 王禹偁
雲雨今歸何處去 竇庠 受人祭享占人山 郭震

聽琴

蟬鬢慵梳倚帳門 劉阜 抱琴花夜不勝春 趙渭南

不應更學文君去

李昌穀

擬作梁園坐右人

劉禹錫

一重九日

二十餘年別帝京

劉禹錫

可能朝市汗高情

韓偓

秋光何處堪消日

李汝

漫遶東籬嗅落英

東坡

九日戲幕賓

一任斜陽送客愁

沈

邊鴻不到水南流

劉禹錫

自從身逐征西府

張祐

破帽多情卻戀頭

東坡

晚菊

白露寒花自遶籬

羊士誇

從他桃李笑開遲

冉宗敏

一年秋色吟中過

沈彬

門外重陽過不知

齊己

三百七十五

莊靖集卷六

十日對菊

籬菊香寒晚吹笙

孫僅

可憐榮落在朝昏

李商隱

浮生也共花無別

杜光庭

不受陽和一點恩

李山甫

梅

我今移爾滿庭栽

韋莊

不向東風怨未開

雍陶

回首看花花欲盡

高駢

北人初識越人梅

東坡

落梅

每到花時把酒杯

韓偓

暮天何處笛聲哀

趙渭南

縱然一夜風吹去

司空文明

不恨彫零卻恨開

杜牧之

塞上

古澗芳草起寒雲

許渾

斷續鴻聲到曉聞

令狐楚

萬里江山今不閉

李益

死生同恨舊將軍

高駢

登樓

東池送客醉年華

呂溫

獨倚危樓四望賒

李九齡

日暮鳥嗁人散盡

吳融

輕風細雨落殘花

武元衡

花期不赴

雲泥豈合得相親

戎昱

還把閑吟慰病身

丁謂

一種是春長富貴

杜子美

有愁人有不愁人

來鵬

醉眠

糝逕楊花鋪白氈

杜子美

日西鋪在古苔邊

王建

三百五十六

莊靖集卷六

三

滿山明月東風夜

韓偓

留與遊人一醉眠

鄭谷

山中偶得

棄擲功名脫屣閒

孫僅

東風吹雨過青山

盧綸

行人莫話金章貴

鄭谷

久許孤雲作往還

義先

夜飲

虛榻吟窗更待誰

王禹偁

酒無多少醉爲期

東坡

明朝騎馬搖鞭去

楊憑

會有求閑不得時

王建

莊靖先生遺集卷之六終

